

“Learning Through ODL” - Microsoft Team

DISEDIAKAN OLEH: NURUL IZZA HUSIN DAN NOOREZAL ATFYINNA MOHD NAPIAH


Pembelajaran terbuka secara jarak jauh (ODL) merupakan norma baharu dalam institusi pendidikan sejak pandemik Covid-19 melanda dunia pada awal tahun 2020. Pembelajaran secara ODL merupakan inisiatif pihak pengurusan tertinggi UiTM bagi memastikan sesi akademik dapat diteruskan serta proses pengajaran dan pembelajaran berjalan lancar. Sehubungan dengan itu unit e-pembelajaran UiTM cawangan Pulau Pinang telah menjalankan beberapa siri latihan serta perkongsian kepada para pensyarah berkaitan penggunaan aplikasi untuk pembangunan bahan pengajaran dan pengendalian atau penyampaian kelas atas talian.



Sesi perkongsian di peringkat Jabatan Sains Gunaan telah dijalankan pada 9 October 2020 dengan kerjasama Fakulti Kejuruteraan Kimia. Program ini merupakan kesinambungan dari sesi perkongsian siri pertama yang diadakan pada Mac 2020. Pada siri kedua ini, sesi perkongsian disampaikan oleh Dr. Suhailah Mohammad Noor, pensyarah kanan Pusat Pengajian Kejuruteraan Awam yang juga merupakan Microsoft Innovative Educator (MIE) Expert.



Latihan secara sidang video ini lebih menumpukan kepada penggunaan aplikasi Microsoft Teams untuk ODL. Para pensyarah telah diperkenalkan dengan pelbagai ciri-ciri serta kelebihan yang terdapat dalam Microsoft teams. Antaranya pembentukan kelas serta channel



atas talian, penggunaan white board, chat, penyediaan tugas serta penilaian, penggunaan insight untuk mengakses data penyertaan pelajar dan banyak lagi. Secara keseluruhannya Microsoft team merupakan satu aplikasi untuk pembelajaran efektif, semuanya disatu platform.

Walaupun pembelajaran menerusi alam maya mungkin dilihat sedikit mencabar dan terhad, namun melalui penggunaan aplikasi-aplikasi menarik seperti Microsoft team dapat meningkatkan kreativiti pensyarah serta pelajar dalam pengajaran dan pembelajaran di abad ke-21 sejajar dengan Revolusi Industri Keempat (IR 4.0).



Achieve more together with Microsoft Teams